

KA PELA SEFAHLEHO SA HAE



Kea u leboha, Moena Neville, Morena a u hlohonolofatse haholo.

Lumelang mantsiboea ana, metsoalle. Ke monyetla o moholo ho khutlela moahong ona bosiung bona, le ho utloa Sefahleho se sa tloheng sa Morena oa rōna, O entse tsepiso. 'Me joale, kea tseba bongata ba lōna le saletse Molaetsa o monyenyané oa bosiung bona, etsoe ke o lebohela haholo. 'Me bongata ba lōna le tla tlameha ho khannela hole bosiung bona, ho finyella lapeng. Ba bang ba chekolotse limoteleng tsa lōna, kamoo ke utloisisang. 'Me re tla leka ho se le tšoarelle halelele, re tlie ka nako hore re tle re qhalane ka nako.

2 'Me joale re tla leka, hang ha ke khona, ke tla tsebisa mohla re tla qala, ke fumane mehala thapama ena, e batlang ho tseba mohla re tla qala ka libuka tsena, kapa ka likhaolo tsena. 'Me kea kholoa, ha Morena a ratile, ke batla ho tšoarana le hoo, khetlo le latelang ha re qala, ka Litiiso tse Supileng tsa Tšenolo, le litiiso tse supileng tsa tlhaho. 'Me, ha re ka qeta ka nako, re tla tšoarana le litiiso tse supileng tse ka mora Buka, lea bona. Joale, li ka nka nakoana. Lea bona, ho na le litiiso tse supileng tse manolloang; ho ntoo ba le likotsi tse supileng, literompeta tse supileng, bosupa bao bohole; 'me re ka tšoarana le litiiso tse pele. Empa ka morao ho Buka e tiisitsoe ka litiiso tse supileng. Daniele o utloile mantsoe, lialuma, 'me a thibeloa ho e ngola. Johanne o thibetsoe ho e ngola. Empa e ne e tiisitsoe ka morao ho Buka, ke hore, hoba liphiri tsohle tsa Buka li ntšoe 'me li senoloe. Lemohang Daniele o buile mono, "Liphiri mehleng ea mantsoe ana, sephiri sa Molimo se tlameha ho phuthulloa mohlang oo." Lea bona, "sephiri," sa hore na Molimo ke mang, kamoo A entsoeng nama, lintho tsena tsohle li tlameha ho phuthulloa nakong eo. 'Me ebe—ebe moo re itokisetsang Litiiso tse Supileng tse ka morao ho Buka, tse esong ho senoleloe motho, ebole ha lia ngoloa kahara Bibele, empa li tla tlameha ho nyalana le Bibebe eohle ka nèpahalo, 'me kea kholoa e tla ba ntho e khòlòhali.

3 Ka baka leo joale re tla leka ho potlaka ho qeta. Ke le leboha bohole ka mosa oa lōna le ka boteng ba lona, le—le ka sohle seo le se entseng, re le leboha haholo. 'Me joale ke—ke a tšepa re ke ke ra le tšoarella halelele bosiung bona, hobane le na le mamello ea ho lula, ho ema. Mohatsa ka o buile morao mane, a bua ka bosiu ba maobane, o itse, "Ke bone basali ba mebele e meholo, ba eme, liphahlo tsa bona li kolobile, ba eme mono, ba thuisa Lentsoe le leng le le leng feela." Ke ka baka leo ke ratang ho lula tlasa tlolo ea Moea o Halalelang,

e le hore ha u fihla u tle u boelle batho 'Nete e tiileng, lea bona, le letho feela haese 'Nete. 'Me ba ka itšoarella ka Eona 'me ho tla itokela.

⁴ Joale ke batla ho le kopa tšoarelo nakoana. Ke tlohile ka meso hoseng hona. 'Me hona joale liteipi li koetsoe, 'me ke—ke tla laela bahatisi ho li bulela nakoaneng feela. Ke batla ho qetella *Pallomorao*, ke tla e khethela metsotsos e mehlano, pele ke tsamaea. Ke ile ka lebala ka tsamaea, hoseng hona ke ile ka haptjoa haholo eaba ke tsamaea ke sa bua letho ka eona. Empa, ka batla ke le siea le lokotseha, "Ebe pallomorao e ne e le eng?" Lea bona? Kea tseba re nakong ea pallomorao, empa ebe pallomorao keng? Lea bona? Ha u sa tsebe seo pallomorao e leng sona, u tla batla u ferekana. 'Me ka baka leo ke—ke batla ho—ho e qetella, feela, ke tla leka ho bua ka kolu e tšoanang le ea lekhatheng leo ho qetella teipi ena hona joale, ka hona teipi e tla lokolloa e bitsoa, *Pallomorao*. Joale bohole le ntšoarele nakoana feela, 'me ke batla ho qetella teipi eo. Na le tla nketsetsa joalo nakoana feela, ebe re qala e 'ngoe ka morao? [Phuthetho e re, "Amen." —Mong.] 'Me joale—joale lihatisi, haeba le khona, le ka cheha teipi tsa lōna joale.

[Sekheo lebanteng. Moena Branham o hhalosa liratsoaneng tsa 4-5 hore o kentse karoloana e hlakotsoeng therong ea hae ea hoseng hona e reiloeng *Pallomorao*, e le liratsoana tsa 106-111—Mong.]

⁵ Ho tsoa libakeng tse fapaneng, 'me re hlile re bile le nako ea tonana melaetseng e merarō e fetileng, re buile ka temana ea—ea lithuto tse fapaneng le linthro tseo re li hhahisitseng. Hona joale ke sa tsoa hopola hore nakong ea joale ke tlameha ho etsa sesene mono, ho lōna batho ba hatisang, le tle khone ho fetola liteipi tsa lōna. Ke tla le bolella nako ea ho li cheha. Ho lokile. Joale, mona ke tlameha ho ela hloko. Ekare seshoba sa meralo ea tloaelo feela, empa bashanyana bao ba tlameha ho fumana teipi. 'Me ha ba tlameha ho e ferekanya feela; ha ba ka etsa joalo, batho ba kantle ba ke ke ba e utloisisa. Ka baka leo re tlameha ho e hlophisa tjenanana. 'Me ekare motho a ka tsoela kantle ho phaposi a nkhoehle mono, Junior, haeba ba lokile ho fetola liteipi. Ke le leboha haholo, batho beso, ke sa pheta, ka mohau oa lōna le ka sohle. Ho lokile, joale re lokile, le ka li bulela.

⁶ Morena a le hlohonolofatse. Re thabetse ho khutlela tabernakeleng bosiung bona. Sebaka se petetsane batho ba boetse ba eme kantle ka mathoko bosiung bona, e se e le matsatsi a mararō a...kapa ke tšebeletso ea borarō. Ke rata hore haeba mang a mamela teipi ena, 'me ba batla ho khutla ho fumana teipi ea maobane bosiu. Le e lekolisitse malapeng a lōna. Eona ke—ke lekhathe la joale la tšebeletso eo Morena a 'neileng eona. Haholo ke batla ha e mameloa ke bareri le pele

ke etela likereke tsa bona le ho kena malapeng a bona. Joale ke rata ha ba ka—ka e fumana. Joale, hoseng hona re buile ka temana ea *Pallomorao*, ka Kereke e mothating oa ho thakhoha.

⁷ 'Me joale bosiung bona, ha Molimo o ratile, re bua ka temana ea *Ka Pela Sefahleho Sa Hae*. 'Me, oh, kamoo re lebohang Molimo ka monyetla oa ho kena ka pela Sefahleho sa Hae. Empa, pele, ke batla bohole le phetle le 'na Bibeleng tsa lōna ho moporfeta Esaia, khaolo ea 6 ea moporfeta Esaia. Bohle re tseba Esaia e ne e le moporfeta oa sehloohong, e mong oa baporofeta ba baholo ba letsatsi la hae. O qetetse bophelo ba hae ka ho sehloa ka lisaga, e le bopaki, joaloka moshoelatumelo oa matla a Molimo o Matlaohle. Bukeng ea Esaia, khaolo ea 6, ke qala temaneng ea 5, ho bala. "Eaba ke re, 'Ho malimabe 'na!' Hoba . . ." Mohlomong nka qala ka temana ea 1. Ntšoareleng nakoana. Ha re qaleng ka temana ea 1 re bale re theohele mohlomong temaneng ea 8.

Ka selemo sa ho shoa ha morena Osiase ka bona Morena a lutse teroneng e khōlō, e phahameng, mophetho oa seaparo sa hae oa tlala tempele.

Lirafime li ne li eme holimo ho eēna: se seng le se seng se na le mapheo a tšeletseng; ka a mabeli li ne li itsireletsa lifahleho, ka a mabeli li ne li ikoahela maoto, ka a mabeli li ne li rura.

Tsa hoeletsana, tsa re, O a halalela, o a halalela, o a halalela, MORENA Molimo oa makhotla: 'me lefatše lohole le tletse khanya ea hae.

Eaba metheo ea menyako e sisinyeha ke lentsoe la mohoo oo, 'me ntlu ea tlala mosi.

Eaba ke re, Ho malimabe 'na! ke timetse; hobane ke motho ea melomo e litšila, ke ahile . . . sechaba se melomo e litšila: 'me ke bone Morena, MORENA oa makhotla ka mahlo a me.

Empa serafime se seng se seng sa rurela ho 'na, se tšoere leshala le hlenneng letsohong la sona, leo se le okhileng aletareng ka letlao:

Sa ama molomo oa ka ka lona, sa re, Leshala lena le amile melomo ea hao; joale bokhopo ba hao bo tlositsoe, sebe sa hao se phekotsoe.

Ka ntoo utloa lentsoe la Morena, le re, Ke tla roma mang, ho tla ea mang bakeng sa rōna? 'Me ka re, Ke 'na enoa; roma 'na.

⁸ Morena a hlohonolofatse Lentsoe la Hae. Kea kholoa leo ke Lengolo le makatsang ka ho fetisa. Rea fumana, ka pela Sefahleho sa Molimo, batho ba itemoha e le baetsalibe. Re ka ikutloa hamonate ha re le libakeng tse fapaneng, 'me re ikutloe re le batho ba lokileng haholo, empa ha re kena ka pela Sefahleho sa Molimo, re ipona bonyenyan ba rōna.

⁹ Nakoana e fetileng ha ke eme le—le motsoalle oa ka eo ke ileng ka fuoa monyetla oa ho mo tataisetsa ho Kreste, Bert Call, holimo koana New Hampshire, molekane ea tsomang, ke mohla re emeng pela Liphororo tsa Cold Brook holimo koana Adirondack, 'me e le liphororo tsa litonana. Ngoahola ke ne ke isitse ba lelapa teng ho ea li boha. Hole koana le tsela, u tlameha ho tsamaea ka maoto ho li finyella. Eaba re bona metsi ao a botala ba leholimō a phorosela ka matla lithabeng, a tšoloha holima mafika, Bert a ema mono a ncheba, 'me a re, "Ache, Billy, li nyenyefatsa motho ha *kakang*," eaba o lekanya kotara ea inchi ka menoana ea hae. 'Me ka re, "Ke hantle, Bert." Joale, ke phetho seo a se tsebileng ha a kena ka pela Sefahleho sa Molimo, a bona tlholo ea Hae.

¹⁰ Ke ipotsa ka monna ea ngotseng *U Moholo Hakakang*, haeba a sa ka a lelala bosiu bo bong a bona linaleli, bohole ba tsona! Likhoeli tse 'maloa tse fetileng, Moena Fred, 'na le Moena Woods, re ne re eme le Moena Mc Anally kantle lehoatateng la Arizona, re ntse re lekanya, re leka, naleli e le 'ngoe, hore li atamelane hakae le e 'ngoe. 'Me erekaha li le bohole ba limilione le libilione tsa limaele, ekare ha lia arohana le ka kotara ea inchi. Eaba re qala re nahana, ho latela bopaki ba mahlale, mohlomong linaleli tseo li arohane ho feta kamoo rōna re leng hole le tsona. Na lea e bona?

¹¹ Re itemoha bonyenyane ba rōna ha re bona boholo ba Hae, le ha re atamela Sefahleho sa Hae haufi. Ka mokhoa ona kapa oane, haesale batho ba tšoaetsoa ke ho kena ka pela Sefahleho sa Molimo. Ke bone Sefahleho sa Molimo se hlaha hakana tšebetsong ea ka hofihlela se qoholla motho se bile se ba senolela bophelo ba bona, se pepese libe tsa mefuta eohle e lengmekhoa e sa hloekang, se lihele khutso e halalelang hofihlela batho ba tsoa moleng oa thapelo le pele ba nyoloha ho tla rapelloa, ba mathele aletareng ho lokisa litaba le Molimo pele ba kena ka pela Sefahleho sa Hae. Lea bona, ntho e teng ha u kena ka pela Sefahleho sa Molimo, se etsahatsa lintho. Ke bone batho ba robetseng melaong le liseterechara.

¹² Bosiu boo tlase Meksiko, mohla lesea le shoeleng leo le robetseng tlasa kobo, le tlisitsoe ke 'mè e monyenyan eo oa Mosepanishe, kapa 'mè e monyenyan oa Momeksiko, ke rialo, a le tlisitse. Eitseha ha ba bona, hoo ho bonoe ke likete tse 'maloa tsa batho, keha ho bokane likete tse ka bang mashome a mahlano kapa tse mashome a supileng a metso e mehlano sebokeng se le seng, 'me ba bona lesea leo le shoeleng le boela le phela, basali ba akheha, batho ba phahamisa matsoho a bona ba hoeletsa. Hobaneng? Ba lemohile ho se motho ea ka etsang hoo, hore ba kene ka pela Sefahleho sa Molimo o Matlaohle. Eaba e hlahisa ho hong.

¹³ Ke fuoe monyetla oa ho utloa banna ba barapeli ba bua. Ho thoe Charles Finney, mothoana e monyenyan, boima ba hae bo sa etse le dipondo tse lekholo le leshome, empa puo ea hae e ne e le sefutho hakana hofihlela . . . Ho thoe tsatsi le leng ha a ntse a hlahloba melumo kahara moaho. Ba ne ba se na morero o holisang mantsoe mehleng eo. 'Me monna e mong a ntse a lokisa, seotloaneng se holimo, kapa holimo marulelong a tulo eo, eaba o utloa motho ea kenang, a sa tsebe na ke mang, a khutsa ke hona. 'Me eaba Mongh. Finney o ntse a hlahloba melumo. Hoba a qete nako e ngata thapelong bakeng sa tsoselatso a tlang ho e tšoara, eaba o hlahloba lentsoe la hae ho bona kamoo le tlang ho sebetsa kateng. A nyolohela sefaleng ka potlako, 'me a re, "Baka, kapa u timele!" A e bua ka sefutho—sefutho se matla hakana, ka mora ho lula tlasa tlolo ea Molimo, eaba monna eo o oela seotloaneng se holimo, a oela fulurung ea mokato, kapa, a oa qhooeng ea moaho, a oela holima fuluru.

¹⁴ O ne a bolela Evangelij tjena hofihlela a ema Boston, Massachusett, a khohletse koung ea fesetere, hobane ho se kereke e neng e khona ho phutha letšoole la hae. Eaba o ema mono ka sefutho se matla, 'me a rera lihele, hoo banna ba sebetsang ba khoaetse liroto mahafing a bona, ba ileng namalla seterateng ba hoeletsa ba kopa mohau. Ka pela Sefahleho sa Molimo! Bareri ba linatla ba khonneng, ka Lentsoe la Molimo, ho hlahietsa mokhupi Sefahleho sa Molimo. Lekhale e se be motho o chesitsoe pelō hoo a sitoang ho elelloa Sefahleho sa Molimo. Le ho leka bo!

¹⁵ Mohla motho oa pele, hang hoba a sitoe a etse phoso, eitseha Molimo a kena ka pela sefahleho sa hae, kapa, eitseha a kena ka pela Sefahleho sa Molimo, "Adama," keha a sitoa ho ema ka pela Sefahleho sa Molimo. A matha a ipata sehlahleng a leka ho ikoahela ka lehlaku le feiga, hobane a itsebile a eme ka pela Sefahleho sa Jehova, 'Mopi. Motho oa pele o ile a itšoara joalo, hoba a etse sebe 'me a leke ho khutlela ka pela Sefahleho sa Molimo sebe se lutse holima moea oa hae. Ha a ka a khona ho ipata, kaha ane a sa le bonolo le joale. Sebe se eso kenyé metso lipelōng tsa batho joaloka mehleng ena, empa o hlile a itemoha hore o eme ka pela 'Mopi oa hae. Joale, eaba o ipata lihlahleng a hana ho tsoa, 'me a sa khone ho tsoa pele Molimo a mo hlophisetsa hona.

¹⁶ Re ka khutlela morao, 'me ra nka ho Genese khaolo ea 17 le temana ea 3, mohla mopatriareka e moholo, Abrahama, a fihlang ka pela Sefahleho sa Molimo, 'me Molimo oa buisana le eèna (khaolong ea 17) ka Lebitso la Molimo o Matlaohle, Abrahama o ile a itihela fatše ka sefahleho. Mopatriareka e moholo eo, mohlanka oa Molimo, ha a ka a khona ho ema ka pela Sefahleho sa Molimo, leha koana a Mo sebelelitse lilemo tse mashome a mabeli a metso e mehlano, ka botšephei. Empa

eitseha Molimo a kena ka pela sefahleho sa hae, mopatriareka a itihela fatše ka sefahleho hobane a ne a sa khone ho ema ka pela Sefahleho sa Molimo.

¹⁷ Ho Exoda 3, re fumana Moshe, mohlanka e moholo le moporofeta oa Molimo, motšeо koana ho lehoatata, monna eo e ne e le monna ea halalelang. O tsoetsoe ka morero. O tsoetsoe e le moporofeta ho tsoa lipopelong tsa 'mae. A ntoo leka ho ithuela thuto le ho etsa eng le eng ho loela batho ba habo, kaha a itsebile a tla loela batho ba habo, empa koana a e utloisia ka ntlhakemo ea thutabomolimo. O ne a koetlisitsoe. A hlile a rupeletsoe sekolo. A ka ruta Baegepeta bohlale, mehleng eo e le batho ba bahlalefi ba qatsohileng ka ho fetisisa lefatšeng. A tseba likahare tsohle le likantle. A tseba Lengolo ho qala ho A ho fihla ho Z. A tseba lipallo tsohle tsa Molimo. A li tseba ka ntlhakemo ea hlalefo. 'Me e le e—e mohlabani e moholo oa sesole. Empa ka tsatsi le leng motšeо ho lehoatata, eitseha a kena ka pela Sefahleho sa Molimo, a rola lieta tsa hae a li rutla 'me a oa—a itihela maotong a hae, a tseba hobane o mobung o halalelang. Keha a sa khone ho ema ka maoto a hae ha a kena ka pela Sefahleho sa Molimo, a itihela fatše ka sefahleho joaloka Abrahama. Keha a sa khone ho ema ka pela Sefahleho sa Molimo.

¹⁸ Ho Exoda 19:19, mohla batho ba Molimo ba khethiloeng ho tloha motšeо litšiung tsa Abrahama, ho Abrahama ho tsoile Isaaka, ho Isaaka ho tsoile Jakobo, ho Jakobo ho tsoile bapatriareka, 'me lilemo tse ngata ka mora lilemo tse ngata li hlahisitse banna ba halalelang, banna ba baholo, batho ba khethiloeng, morabe o khethiloeng, o halalelitsoeng, batho ba halalelang, 'me ba ne ba sebelelitse Molimo bophelo ba bona. Ka tsatsi le leng Molimo oa re, "Bokella Iseraele eohle mona, Ke tla bua le bona."

¹⁹ Empa mohla Molimo o no o theohela holima Thaba Sinai, thaba eohle ea tuka, mosi oa thunya ho eona ea ka sebopi, eaba Lentsoe la Molimo lea thoathoaretsa. Iseraele e ile ea itiha ka lifahleho tsa eona ea re, "Ho mpe ho bue Moshe, e seng Molimo, esere mohlomong ra shoa." Motho, ka pela Sefahleho sa Molimo, o itemoha e le moetsalibe! Athe bao, e mong le e mong, o ne a bolotse ho latela Molao. Ba ne ba bolokile melao le eng le eng, empa eitseha Molimo a bua 'me ba nyololohela ka pela Sefahleho sa Hae, ba itemohile ba se na tokelo, ba ne ba—ba ne ba sa loka, ba ne ba haelloa ke ho hong, hobane ba ne ba kene ka pela Sefahleho sa Molimo. E. 'Me ba itse, "Ho mpe ho bue Moshe, 'me e seng Molimo, hoba efèla ha Molimo a ka bua re tla shoa kaofela. Moshe a mpe a buisane le rōna."

²⁰ E ne e le ho Luka 5:8, mohla Petrose...oh, mohlang oo e le sengangele sa monna e moholo, motho ea seritihali, ea matlahali ha re utloisia. E batla e le ntoalumela, ralihlapi ea tummeng. Empa eitseha a bona ho etsoa mohlolo oa Molimo le hona ke Monna oa tloelo, ka chebeho ea mahlo, o lemohile

hona moo hore ke ntho e fetang motho ka boholo feela e ka lahlelang lihlapi tseo tsohle kahara letlooa athe eëna, ka thuto ea hae eohle, ka tsebo ea hae ea ho tšoasa lihlapi, o tšoasitse bosiu bohole a sa tšoasa letho. Empa eaba o utloa Motho a reng, “Lahlela letlooa la hao kahare.”

²¹ Eitseha a qala a hula, a fumana lihlapi tse ngata haholo, eaba o itemoha e le motho oa moetsalibe. ‘Me a re, “Oho Morena, tloha ho ’na, hobane ’na ke motho oa moetsalibe.” Ke mang ea itsalong? Mohalaleli Petrose, ka pela Sefahleho sa Molimo, o kopile Molimo ho sutha ka pela sefahleho sa hae, kaha a itemohile e le moetsalibe.

²² Abrahama o itemohile a le “phoso.” Adama o itemohile a le “phoso,” athe e ne e le mora oa Molimo, o itemohile a le “phoso.” Moshe o itemohile a le “phoso.” Iseraele, e leng kereke le sechaba, ba itemohile ba le “phoso.” “Tloha ho ’na, hobane ke motho oa moetsalibe.” Ha a leka ho re, “Joale, kea halalela ’me ke na le tokelo ea ho fuoa sena.” O itse, “Ke motho oa moetsalibe.”

²³ Ka tsatsi le leng moiaphafi oa morapeli, ea hlohuoeng thutamolimo eohle e ka rutoang tlasa moruti oa senatla ea bistsoang Gamaliele, lebitso la hae e ne e le Saule oa Tarese, rôna re mo tseba ka Pauluse, a tletse borapeli ho fihla mokong. A tseba likahare tsohle le likantle tsa borapeli ba bona. E ne e le Mofarasi oa Mofarasi, le Moheberu oa Baheberu. E le monna ea tsejoang, moithuti, ea bohlale, ea qahameng, ea rutehileng, o ipoletse a tsebile Molimo ho tloha esale lesea. Empa tsatsi le leng tseleng ea hae e theohelang Damaseka, eaba Topallo eo ea Mollo e chaba holima hae ’me a oela fatše ka...maotong a hae, mobung, lerôleng, ’me a re, “Morena, U rata ha ke etsang na?” Thupello ea hae eohle e khôlô, thupello ea hae e khôlô ea thutamolimo, thuto ea hae eohle ha ea bolela letho ha a ema ka pela Sefahleho sa Molimo.

²⁴ Ke rata ho khefutsa mona motsotsotso ’me ke bue taba eona eo. Mohlomong o fumane D.D., Ph.D., u ka bang mang, ekaba u tsamaile kereke ho tloha bongoaneng, ekaba o phethile litsamaiso tsohle tsa borapeli tse leng teng, empa hang ka pela Sefahleho sa Molimo u tla ikutloa o le monyenyanu u sa balloe ka letho.

²⁵ Pauluse o itemohile a le phoso, eaba o itihela mobung, tlasa tšusumetso le Matla. Eitseha a lelala ’me a bona oona Molimo oo esale a rera ka oona, a le khahlano le oona, athe o hopotse a mo tsebile, ’me a ipona a le phoso, a oa ka maoto a hae, ho itihela mobung, hobane a ne a le ka pela Sefahleho sa Molimo. O bone Topallo eo ea Mollo.

²⁶ Ho ka thoeng ka Mohalaleli Johanne e moholo oa Tšenolo 1:7, mohla a bontšoang pono, ’me a talima, ’me a utloa Puo e buang le eëna. Eaba o retoloha ho bona Puo, ’me a

bona dikandelare tse supileng tsa gauta. 'Me e Mong a eme mahareng a dikandelare tse supileng tsa gauta, ka moriri o kang boea, mahlo e ka likhanare tsa mollo, maoto e ka litšiea tsa mollo, A itlamile sefuba ka senyepa sa gauta, 'me O ne a bitsoa Lentsoe la Molimo. 'Me eitseha Mohalaleli Johanne e moholo ea tsamaileng le Kreste, a itšetlehile sefubeng sa Hae, holima a entse litho tsena tsohle! Joalokaha ke buile hoseng hona, tšebetso ea Pauluse e fetisitse ea mang feela oa bona. Mona, ka mora hoba Johanne a tsamaee le Jesu, a buisane le Eèna, a robale le Eèna, ho ja le Eèna, empa eareha a Mo bona a eme mono, a tlotlisitsoe, o ipoletse a ile a oa ea ka re monna ea shoeleng maotong a Hae. Amen. E nahaneng!

²⁷ Re ka tla kerekeng ra bua ra rorisa Molimo, le lintho tse joalo, empa, oh, moena, ha re Mo bona a fihla, ntho e tla fetoha lipelöng tsa röna! Re ka ikhopola re phethisa litšoanelo tsa röna tsa borapeli ka ho tsamaea kereke le ka ho lefa karolo ea röna ea leshome. Re ka ikhopola re boloka melao ea kereke re bile re thothokisa litumeloana tsohle, empa hang ha re Mo sheba, ntho eohle ea fetoha ka botlalo. E, e tile.

²⁸ Monna e moholo enoa, Mohalaleli Johanne, monna e moholo joalo, Bibele e boletse ho Tšenolo 1:7, ha thoe, "a oa ea ka re motho ea shoeleng." Ka mora lilemo tse tharō le halofo tsa bolekane le Kreste, e le e mong oa bangoli ba Liepistole, o ngotse ka mora Hae, o jele Eèna tafoleng, a robala le Eèna liphateng, 'me a qoqa le Eèna hohle moo A ileng teng, empa eitseha a retoloha ho Mo bona, keha bophelo bohole bo felile ka ho eèna. A oela fatše ea ka re motho ea shoeleng fatše, kapa mobung. Ke hantle.

²⁹ Re bona Esaia, ho Esaia 6:5, kamoo re balileng, moporofetahali enoa oa senatla, ke e mong oa baporofeta ba baholohali ba kahara Bibele. Libuka tsa Bibele li mashome a tšeletseng a metso e tšeletseng; likhaolo tsa Esaia li mashome a tšeletseng a metso e tšeletseng. Esaia o qala ka Genese, mahareng a Esaia o hlahisa Testamente e Ncha, qetellong Esaia o hlahisa Lilemo tse Sekete; ke Genese hantle feela, Testamente e Ncha, le Tšenolo. Ka phetheho! Esaia e be e le e mong oa baporofeta ba sehlolloho. Empa tsatsi le leng esale a itšetleha ka sephaka sa Osiase morena e moholo, Osiase o na tlositsoe ho eéna, 'me a tepeletse. E le mothaka ea lokileng, e le monna ea molemo, haeba morena ea lokileng eo (morena ea mosa) a mo eleletsoe e le monna ea halalelang eaba o mo boloka kahara tempele ea hae.

³⁰ Esaia o bone lipono. E ne e le moporofeta. Esaia o rerile Lentsoe. E ne e le moreri. Esaia e ne e le monna ea halalelang. Empa tsatsi le leng, a sa eme ka tempeleng, a haptjoa 'me eaba o bona Khanya ea Molimo. A bona Mangeloi a ikhurumelitse sefahleho ka mapheo a Oona, mapheo a koahetse maoto a Oona, a fofa ka mapheo, a ntse a re, "O a halalela, o a halalela, o a halalela Morena Molimo o Matlaohle!"

³¹ Moporofeta eo o itemohile e se letho. O itse, “Ho malimabe ’na, hoba ke monna ea melomo e sa hloekang.” Moporofeta, moporofeta oa senatlahali oa Bibele, e mong oa bona. “Ke monna ea melomo e sa hloekang, ’me ke ahile hara batho ba melomo e sa hloekang. Ho malimabe ’na, hobane ke bona Khanya ea Molimo.”

³² ’Me o boletse, eareha Lengeloi leo le hooeletsa, “metheo ea tempele ea sisinyeha.” Moena, e tla u etsa . . . Ha se metheo ea tempele feela e tla sisinyeha, empa le maholimō ohle le lefatše li tla sisinyeha mohla A tleng hape. Lithaba li tla baleha, le leoatle le tla nyamela, le hooeletse, “Mpateng pela sefahleho sa Eo ea lutseng Teroneng.” E tla ba nako e mahlonoko. Ke tla u bolella, motsoalle oa moetsalibe, u mpe u itekole. Ke hantle.

³³ Joale, Esaia o itse, “Ho malimabe ’na, ke motho ea melomo e litšila, ’me ke ahile hara batho ba sa hloekang. ’Me ’na, melomo ea batho bana ha ea hloeka.”

³⁴ Joale hopolang, efèla ha banna ba halalelang hakaalo ba itemohile e le “baetsalibe” ka pela Sefahleho sa Molimo, ebe moetsalibe le ea khopo o tla ema kae ka Letsatsi leo? Batho ba lulang kahara likopano ba tla etsang? Batho ba boneng Matla a Molimo ba tla etsang, ba utloileng pallomorao ea Lentsoe, ba boneng Boiponahatso ba Molimo, ’me (ha ho le seriti sa pelaelo) Lengolo lefe le lefe le phethahalitsoe, ’me koana ba tla leka ho finyella Leholimō ba sa tsoaloa labobelí ba sa amohela Moea o Halalelang? Bibele e boletse, “Ekare ea lokileng a bolokeha ka thata, ebe moetsalibe le ea khopo ba tla ema kae?” Ebe re tla ema nqalong e joang haeba re bona Molimo a Iphutholla hantle mona ka pela rōna, ’me re bona Khanya ea Molimo joaloka ka banna bao, ’me banna ba kang bao ba bile ba hooeletsa, baporofeta le bahale bao Lentsoe le theiloeng holima bona? Efèla ha ba hooeletitse, ba itihela maotong a bona, ’me ba meketsa, “Ke monna ea melomo e sa halaleleng, ha kea hloeka,” ho tla etsahalang ka monna eo ea sa batleng le ho ipolela libe tsa hae? Ho tla etsahalang ka mocha e motona ea sa batleng ho ipolela libe tsa hae kapa eéna e motšehali? Ho tla etsahalang ka monna ea satalalitseng pelō ea ikhopolang a tseba haholo ka tlhaho ea Molimo ho feta Molimo ka sebele sa Hae? Ho tla etsahalang ka monna ea minyang nako ea hae eohle a ntse a leka ho hanyetsa Bibele? Ebe mothaka eo o tla hlaha kae? E naheneng!

³⁵ Bona ke boevangeli. Ena ke nako ea ho sisinya batho. Ena ke nako e lekantoeng ke Molimo ha ho itsoe nako ea tla eo ka eona, O kile a sisinya Thaba Sinai empa ho tla boela ho sisingoa, ha thoe A “ke ke a sisinya Thaba Sinai feela, empa O tla sisinya tsohle tse ka sisinyehang.” Empa na le lemohile Lengolo lohle? “Empa rōna re amohela ’Muso o ke keng oa sisinyeha!” Alleluia! Tsohle tse ka sisingoang li tla sisingoa. Maholimō a tla sisinyeha. Lefatše le tla sisinyeha. “Maholimō

le lefatše li tla feta, empa Lentsoe leo le ke le la feta le ka mohla. Hoba holima lefika lena Ke tla haha Kereke ea Ka, 'me likhoro tsa lihele li ke ke tsa E hlola." Tsohle tse ka sisingoang li tla sisingoa. Empa haele rōna re amohela 'Muso oo e leng Lentsoe la Molimo ka Sebele, 'me Molimo ke Lentsoe la Oona. A ke ke a Itśisinya. Amen! Oh, khili! "Empa haele rōna re amohela 'Muso o ke keng oa sisinyeha," ha o sisinyeha, ho itsoalo ke Pauluse mongoli oa Moheberu.

³⁶ Motho ea kang eo le monna ea kang eo, le ka nako e kang eo le kamoo ba ikutloileng kateng! Le rōna hape, ka borōna, re bone Khanya ea Molimo joaloka banna bana. Ehlide bo. Re E bone. Re bone Khanya ea Molimo joaloka Abrahama ea E boneng. Re bone Khanya ea Molimo joaloka Moshe ha a E bone, eona Topallo ea Mollo, Matla a tšoanang a Molimo, Kreste ea tsoanang un- . . . ea Itšenolang, a Iponahatsa, a boloka Lentsoe la Hae letsatsing la ho qetela. Ebe re ka e feta mohoalotso joang, ra itsamaela ra Le nka habobebe hakana? Re ka itsamaela joang ra itšarella ka litumeloana tsa rōna le ka malumeli, re sa nke Lentsoe la Molimo? Ho tla etsahalang ka rōna ka Letsatsi lela? Ebe re tla hlaheloa keng, athe re bone Khanya ea Molimo?

³⁷ Batho ba bang ba emella thokoana 'me ba Le soma, ba bang ba tševisa ka Lona, ba bang ba Le bitsa bohlanya, ba bang ba Le bitsa bokhoni ba ho bala mohopolo, ba bang ba Le bitsa Belsebule, ba bang ba Le bitsa hona kapa hoane. Etsoe maele a khale a boletse, "Lithoto li hatikela ka lieta tse totometsoeng lithakhisa athe Mangeloi a haroha letsoalo ho tsamaea teng." Ke hantle. "Sethoto se itse pelōng ea sona, 'Molimo ha o eo.'" Athe o bona Molimo a bonahalitsoe ka phetheho e kana ka Lentsoe la Hae ka Sebele (ha se ka tumeloana; empa ka Lentsoe la Hae), 'me ba Le tšethema holimo 'me ba Le soma, ke sethoto. Hobane, lona, Molimo ke Lentsoe, 'me Molimo o Ipepesitse ho eëna ka ho hlaka, 'me ke "sethoto," Bibebe e itsalo. Ho tla ba joang mohla a tlamehang ho ema tulong eo? Ho tla—ho tla be ho nyarosa ho monna eo ka Letsatsi lela, ea khopo.

³⁸ Baetsalibe ba bakileng, ha ba tšabe letho, le hona. Oh, che. Moetsalibe ea bakang, o itseba a emetsoe ke Sehlabelo se fophang mali, se mo emelang sebaka. Ke sona se ntšelisang. Ke bone Khanya ea Molimo. Ke utloile matla a Hae. Ke tseba kamo ea letsoho la Hae. Ke tseba kamo ea kotlo ea Hae. Ke Mo tseba e le Molimo. 'Me ke itseba ke le malimabe, empa ke emetsoe ke e Mong koana. Amen. Ke na le e Mong Ea emang mono 'me a re, "Ntate, fetisetsa bokhopo ba hae bohole holima Ka, hobane o kile a Nkemela tlase lefatšeng." Alleluia! Ebe ke tsamaea ke atamela Terone ea Molimo, ka sebete, ke neiloe mohau pelōng ea ka, ke tseba hore ha se ka mesebetsi e molemo, empa ke bolokehile ka lerekö la Hae. Hase ka seo ke khonang ho se etsa, seo nka ngolisang ho sona, seo nka se buang; empa ke mohau oa Hae ha A mpholositse.

³⁹ Ha re makale haele moo seroki se rarolohile, sa hooeletsa, “Mohau o hlolla, mololi o mathemaloli, o pholositseng ‘na mo’libe. Ke na be ke lahlahile, joale ke thotsoe; ke foufetse, empa joale kea bona.”

⁴⁰ Ebe nka finyella Leholimō joang? Ebe u ka finyella Leholimō joang? Re ke ke ra khona, rōna, ebole ha re na bokhoni ba letho. Empa o teng Ea betlileng tsela. ’Me Ke Tsela. Ebe re kena joang ka ho Eēna? Ka Moea o le mong, Moea oa Hae, re kolobeletsoa ’Meleng o le mong o tla boela o tsosoa joaloka tsoibila. Re tsoe lefatšeng joaloka borasepakapaka ba letsatsi lena la ho qetela ka tumelo ea Molimo. Amen. Ehlide. Baetsalibe ba bakang ha ba tlameha ho tšoenyeha, O teng ea ba emetseng.

⁴¹ Oh, ka mora hoba re kene ka pela Sefahleho sa Hae joale, etsoe re itseba re kile ra kena ka pela Sefahleho sa Hae, re Mo bone a etsa lintho tseo A kileng a li etsa mohla A ne a le mona holima lefatše. Le tseba joang hore... Veine eo le e shalimileng le e tseba kang? Ka tholoana ea eona. Kereke eo u e tsamaeang u e tseba kang? Ka tholoana ea eona. Jesu o itse, “Ea lumelang ho ’Na, mesebetsi eo Ke e etsang o tla e etsa le eēna. Mehlolo ena e tla tsamaea le ba lumelang.”

⁴² Joale, rea bona ha A eso re tlotsetse ho ea aha mekhatlo ea malumeli. Ha A eso re tlotsetse ho ea rala litumeloana. Empa O re lemositse khahlano le tse joalo. “Ekare ha e mong a tlosa ho Lona kapa a eketsa letho ho Lona, le ho eēna o tla hlakoloa, kabelo ea bona, Bukeng ea Bophelo.” Lea bona?

⁴³ Ka hona, ha rea tlotsetsoa ho etsa letho haese ho tsepama le Lentsoe leo. Efela ha monna a romiloe ke Molimo, o tla tsepama le Lentsoe, hoba Molimo o khona ho roma ka Lentsoe la Hae feela. Lea bona? Lea bona, O tlameha ho tsepama le Lentsoe la Hae. ’Me ha re kena ka pela Sefahleho sa Hae, hang ha monna a kena ka pela Sefahleho sa Molimo, o fetohile kamehla, haeba phetoho e ka hlaha ho eēna. Joale, ba teng ba khonneng ho kena ka pela Sefahleho sa Molimo ’me ba sa Se tsotelle ka letho. O ne a sa tlotsetsoa Bophelo. Empa haeba a ne a reriloe ke Molimo, hang ha khato eo ea pele e hlaha, o a e tseba. Mollo o a hotetsoa.

⁴⁴ Shebang seotsoanyana seo tlase mane Samaria mohlang oo, mosali eo. O ne a senyehile kelello le ’mele. Re tseba seo. Empa hang hoba a bone ho etsoa pontšo eo, ea Messia, o itse, “Rea tseba Messia o tla tla etsa sena. U tlamehile u be u le moporofeta oa Hae.”

A re, “Ke ’Na Messia eo ho ngoliloeng ka eēna ho thoe o ea tla.”

⁴⁵ O ile a e elelloa. A se ke a hlola a botsa potso e ’ngoe. A tloha hang ka potlako a jere boikarabelo, a tseba hore haeba a e fumane ’me a ile a ema ka pela Sefahleho sa Molimo, ke boikarabelo ba hae ho bolella motho e mong ka eona.

Alleluia! Hantle. 'Me motho mang le mang ea kenang ka pela Sefahleho sa Molimo o jere boikarabelo pela Molimo, ho tloha motsotsong oo ho tsoelapele, ho bolella motho e mong. Shebang Abrahama, shebang Moshe, shebang Petrose, shebang Pauluse. Hang ha ba kena ka pela Sefahleho sa Molimo, ba itemohile e le "baetsalibe," 'me ba tiisitse bopaki ba bona ka bophelo ba bona. Shebang mofumahali e monyenyanne, ha a khona ho ema haleletsana, a kena motseng a bolella banna, "Tloong, le bone Monna ea mpoleletseng lintho tseo ke li entseng. Na hase eèna Messia?" Ba sitiloe ho E latola, kaha E ne e bapile le Mangolo. Ehlide. E, ba tlameha joalo, monna, re jere boikarabelo ba ho bolella ba bang joaloka Moshe, joaloka Petrose, joaloka Pauluse. 'Me ka mora ho bona lintho tsena, le E bone 'me le ne le kene ka pela Sefahleho sa Hae, le jere boikarabelo ba ho isetsa motho e mong Molaetsa. U ke ke ua lula feela ka Oona. U tsoanelo ho O isetsa motho e mong.

⁴⁶ Ke sa hopola khaitseli oa khale mona, 'mè oa Moena Graham Snellling, o ne a lula kahara kereke mona, 'me a bine, "Ke sa tsoa tlala! Kea phophoma, kea phophoma, kea phophoma, ke sa tsoa tlala 'me ha ke khone ho lula fatše." O ne a fumana ho hong. Eaba ke etela kerekana ea bammala mona Louisville, 'me bohle keha ba eme, ba ntse ba bina, "Ke matha 'Mileng oa Khosi, ke sa tsoa O fumana, 'me ke kene 'Mileng!"

⁴⁷ Ntho e teng, ha u fumana Kreste, ha u khone ho khutsa. U motho ea fetohileng matsatsi ohle a ho phela ha hao, hoba bophelo ha bo kopana le Bophelo, ho chaba Leseli le khanyang. Ke eona. Ha tloloupu e kopana le mohala, haeba e le tloloupu e lokileng, e tlameha ho khantsa leseli; motlakase le tloloupu ha li kopana, ha ho letho le ka etsahalang haese ho hasa leseli. Le tlamehile joalo. 'Me ha monna kapa mosali a reretsoe Bophelo Bosafeleng, 'me ba bona motlakase oa Molimo o hotetsa tloloupu eo, e hasa Leseli hohle moo le ka khonang. Mohlomong diwate tsa hao ha li etse leshome, empa u tla hasa Leseli la hao. Ha diwate tsa hao e se makholo a mahlano, hasa Leseli la diwate tse leshome. Khantsa Leseli la hao! "Leseli la lona le ke le khantsetse batho joalo, ba tle ba bone mesebetsi ea lona e molemo 'me ba rorise Ntate ea Leholidöng." E, monghali.

⁴⁸ Motho ha a kopana le Molimo, o itemoha "a sa loka." Ebe motho a ka pepa peta joang a iphafa ka boholo ba hae le ka sohle seo a se entseng, athe hase letho? Hase letho le ho qaleng. Tsatsi le leng tlase Memphis, Tennessee, kapa kae... Ha ke kholoe e ne e le Memphis. E ne e le tulong e 'ngoe mono. Ke e na le Moena Davis re tsoere e-e tsoseletso. Kea kholoa e ne e le Memphis. 'Me rôna, eaba re ea k'holosiamong, 'me ka mono, hase k'holosiamo, e batla e le moaho oa botaki, 'me ka mono ba emisitse e-e liemahale tse khôlô tse tsoang litulong tse fapaneng tsa lefatše, tsa lintho tse fapaneng, Hercules le bao, 'me li takiloe ke litaki

tse khōlō. Eaba ba hlopholla monna oa boima ba dipondo tse lekholo le mashome a mahlano. Lea tseba keng, na boleng ba hae ke bokae? Lisente tse mashome a robeli le metso e mene. Ke phetho seo a leng sona. Ho eēna o ka ntša feela—feel a bohashana ba lik'hemikale tsa boleng ba lisente tse mashome a mane le metso e mene. O entsoe ka bohashana bo lekaneng hofafatsha sehlaha sa khoho bosoeu, 'me o na le nthoana e kaalo, bohashana ba k'halsiamo, bohashana ba photashe. Boleng ba ntho eohle ke lisente tse mashome a robeli le metso e mene. Empa re nenesa lisente tse tse mashome a robeli a metso e mene hakakang 'me rea e bokotsa.

⁴⁹ Mono keha ho ema bashanyana ba babeli, eaba e mong o sheba e mong, ha thoe, "Jim, boleng ba rōna ha bo bokaalo ha ke re?"

A re, "Che, ha re ba kaalo, John."

⁵⁰ Ka re, "Empa be butleng, bashanyana, le ruile soule ea boleng ba mafatše a likete tse leshome, eona e khonne, e ka lopolloa ke matla a Molimo, feela ha le ka e lumella."

⁵¹ Monna, mohla a bonang lintho tsena, o jere boikarabelo ba ho bolella ba bang. Ke e bone ke sa le moshanyana. Ke qetile bophelo ba ka bohole temeng ea eona. Ke masoabi ha ke filoe bophelo bo le bong to, ekare nka be ke fuoe a likete tse leshome. Le hoja ke ruile Bosafeleng, nka batla ho bolella batho ka eona, hoba e le ntho e khōlōhali ka ho fetisa eo nkileng ka e fumana. Ha u bala ho Ezekiele 33, khaolo ea 33 ea Ezekiele, tora e ne e hlongoa seboholi, 'me seboholi sena se jarisitsoe boikarabelo ba motse ohle. Amen. Joale, phaphamang, le phaphamise letsoalo la moea oa lona motsotso feela, ke sa t̄soarana le Lengolo lena. Seboholi seo eka khona ebe monna ea koetlisitsoeng. A tlameha ho tseba seo a se etsang, hoba leha ekaba bohole bofe, hang ha sera, se hlahla, a ka se lemoha. A ka bolela mohoantao bona, a ka bolela mebala ea bona, a ka bolela maemo a bona le rekoto. A ka khona ho bona, moo pono ea mahlo e fellang teng. 'Me o ne a hloole qhooa e fetang mang ea le mang oa bona, kaha a koetlisitsoe ho tseba sera. 'Me Molimo o ne a behile boikarabelo ba motse ohle letsohong la hae. "Seboholi, nako ea bosiu ke efe na?" Alleluia!

⁵² Le masole a Molimo a joalo kajeno. Ba koetlisitsoe Lentsoeng. Ntho efe e hlhang e t̄sasitsoe phophi ea polishi, e t̄soere nthoana e seng Lengolo, ba lemosa phutheho ea bona. Ntho efe eo e seng Bibebe, ntho efe e sa—e sa t̄soaneng le Molimo, e kang lisophoro tsa sopho, litantshe, le ntho efe ese, ho lefa balisa. Lintho tse li phoso. Lipapali tsa bunco le meketjana ea likarete kahara kereke, li phoso! 'Me seboholi sa makoma holima lerako, se kileng sa kena ka pela Sefahleho sa Molimo... Haeba a sa lula holima lerako, haeba a tlamehile ho lula holima lerako, mohlomong lerako ha lea phahama ho feta phutheho

eoche. Empa haeba e le seboholi sa makoma, Molimo o mo hloesa lilikalikoe tseo ba bang bohole ba sa li finyelleng. Empa o hlokomeila mohlape, 'me Molimo o mo jarisitse boikarabelo ba eona! Monna oa Molimo ea emang ka pela Sefahleho sa Molimo, 'me a tseba Molimo e le Molimo, 'me a tseba Molimo a boloka Lentsoe la Hae, 'me a bona Molimo a sebetsa ka sebele sa Hae 'me a phethisa tšebetso ea Hae 'me a boloka Lentsoe la Hae, joale ho sa tsotelehe na ke mekhatlo e mekae le malumeli a lekang ho Le heletsa, o tseba maemo a sera le rekoto ea sona. Amen. O tseba seo a tlamehang ho se bolella phutheho, seboholi sa makhonthe.

⁵³ Haeba re Mo pakile a le teng, re kile ra kena ka pela Sefahleho sa Hae, 'me re ipoletse libe tsa rōna, li hlakotsoe bukeng ea mohopolo oa Hae. Ke Molimo o inotsi o ka etsang joalo. Joale, uena u ka nketsa ntho, ke tla u tšoarela hona, empa ke tla e hopola. Ha nka u etsa ntho, u ka ntšoarela hona, empa u tla 'na u e hopola. Empa Molimo a ka tšoarella a ba a leballa. E nahaneng, "ebile ha e hopoloe!" Amen. E a nthabisa. Ebile ha e hopoloe, ke Molimo feela o ka e etsang. Ke Molimo o inotsi o ka etsang hoo. O itse O tla e hlakola Bukeng ea mohopolo oa Hae. 'Na nka sitoa, le uena u ka sitoa, kaha re filoe lithokutlyonyana tsena tse lekanyelitoeng moeli. Empa Eèna ke mohlokaphello, Molimo, A ka lebala ka botlalo le hore kile ea etsoa le ka mohla. Amen.

⁵⁴ Mosetsana ea tsoang kerekeng ea mapolasi, ntata'e e ne e le moreri oa khele, ea hlabang litlatse, kapa e le setho sa kerekere eo. Eaba o fallela motseng, a hla a itsoka le basali ba bang tlase mono, a tsoantsisa boitšaro ba bona, le lifeshene. Ka tsatsi le leng a hlajoa ke lihlong mohla ntata'e le 'ma'e ba tla etang, kapa ntata'e, ke rialo, 'ma'e a se a shoele. 'Me monnamoholo, ntho feela eo a e etsang, a tsoha hoseng, a ejahorakefese ba hae 'me a tsoare Bibele 'me a E bale, 'me a lle 'me a rapele 'me a hooeletse letsatsi lohle, 'me a mathela holimo le tlase ka kamoreng, a batla a soabisoa ke eona. Ka hona—hona enere hara bosiu, haeba a tsoara Bibele, a qala a E bala, o ne a tsoa liphateng, a hlabe litlatse, "Khanya ho Molimo! Alleluia! Oh, khanya ho Molimo!" A tila ka maoto 'me a qeta sekheeqe sa bosiu a ntse a lla.

⁵⁵ Tsatsi le leng mohla a tla thabisa litho tsa kerekeng ea hae ka moketjana oa tee ka tloaelo ea bona ea mehla, lea tseba, a sa tsebe seo a ka se etsang ka ntate oa hae. Koana, e ne e le ntate oa hae. Eaba o etsa qeto ea ho mo hloellisa phaposing ea khale e kaholimo, a re, "Tata, ha u batle ho 'na o ferella hara basali bana, ha ke re?"

Ho re, "Che, ehlile ha ke batle."

⁵⁶ A re, "Be, kajeno re tlil'o memela basali ba kerekeng ba tla koano, 'me re tlil'o tsoara kopano, tšebeletsonyana ea thapelo. Ka hona ke—ke tla u bolella, tata, ho joang ha u ka nyolohela phaposing e kaholimo?"

Ho re, “Kea kholoa nka etsa joalo.”

⁵⁷ Eaba o re, “Bala buka e monate ena.” Eaba o mo neeletsa ea thutafatše. A mo amoha Bibebe ho mo khutsisa. A tseba hore ha a ka bala Bibebe, khele, o tla hle a etse leratahali holimo mono. Ka baka leo o kaholima bona hantle, lea tseba, moo ba tšoereng moketjana oa bona. Eaba o mo neeletsa buka ea thutafatše, ho re, “Ena e monate haholo. U tlameha ho e bala, tata, hobane e bua ka ’nete eohle ea lefatše.”

Be, ha thoe, “Ke tla thabela ho e bala.”

⁵⁸ Ha thoe, “Joale nyolohela koo ’me u khutse hofihlela basali bana ba tsamaea, ’me ke hona ke tla...u ka theoha oa etsa sohle seo u se batlang.” Eaba o lumela ho etsa joalo. Ke eo a nyolohela mokatong o kaholimo, a itulela holimo mono.

⁵⁹ Keha bohole ba tšoere moketjana oa tee, lea tseba, ba bua ka *sekete-kete*, lea tseba na ho joang, ba itahile monyakeng o moholo. ’Me ka eona nako eo ntho ea phasoloha mokatong o kaholimo, lerata lohle le ho qhomaka, ho khephoha le poleisetere. Monnamoholo a mathela holimo le tlase ho phaposi e kaholimo ka bokhoni ba hae, a qhomela holimo le tlase, ’me a hooletsa, “Khanya ho Molimo! Khanya ho Molimo!” Basali keba ba sa tsebe se hlahleng holimo mono, hore na ba behileng mokatong o kaholimo. Eaba o theohela tlase ka litepisi, ka lebelo la hae.

A re, “Tata, ke u file ho bala thutafatše.”

⁶⁰ Ha thoe, “E, kea tseba. Ua tseba,” ha thoe, “ke balile thutafatše mona moo leoatile libakeng tse ling le tebileng hoo le se nang botebo.” Le ho re, “Maobane ke balile Bibebe mona, O itse O lahletse libe tsa ka ‘leoatleng la tebalo.’ Khanya ho Molimo!...?...” Ho re, “Li sa ntse li lepella. Ha li na moo li fellang teng, li lula li theoha joalo.” Ke hantle. ’Me keha a hooletsa ka baka la eona. Be, ke nete.

⁶¹ Molimo o lahlela libe tsa rōna leoatleng la tebalo, ho li hlakola, ’me ekare ha li eso etsoe le ka mohla. Oh, khili! Ha ho le joalo re ema ka mohau oa Molimo, ka Jesu Kreste Morena oa rōna, re hloekile ’me re halalela, ka khalalelo e tšoanang le ea Hae mohlang oo, hoba ha ke nyolohela mono ha A mpone, O bona Mora oa Hae ka Sebele. Mokhoa feela oo A ka bonang... A ke ke a mpone, hobane ke kahara Mora oa Hae. ’Me O bona Mora oa Hae feela. Na ha e babatsehe? Ha rea tlameha ho boela re nahana ka libe, li nyametse tsohle, li tlasa Mali. E, monghali. Ha ho sa tuotoa ka tsona hape, li faliloe tsohle, li hlakotsoe mohopolong oa Molimo. Ebile ha A sa li hopola hape.

⁶² Esaia, moporofeta eo oa senatla, eareha a ipolela libe tsa hae, o itse, “Ho malimabe ’na, hoba ke motho ea melomo e sa hloekang.” Moporfeta! “Ke motho ea melomo e sa hloekang, le phutheho ea ka ha ea hloeka.” Lea bona? “Batho bao ke ba rerelang, le bona ha ba hloeka. Ha kea

hloeka. 'Me ho malimabe 'na. Empa eaba ho theoha sehlopha sa Mangeloi a tsoang Khanyeng ea Molimo, a ntse a phutla e—e maru, eaba holimo mono ke bona mophetho oa seaparo sa Hae o tletse Leholidō lohle. 'Me ke sheba Mangeloi ana a sa kang a tseba sebe le ka mohla. 'Me ha eso tsebe le sebe le ka mohla, 'me mono, ka pela Sefahleho sa Molimo, a ikuhurumetsa lifahleho sa mapheo a mabeli, a ikoahela maoto ka mapheo a mabeli, 'me a ntse a fofa ka mapheo a mabeli, 'me a hooa motšeare le bosiu, 'U a halalela, u a halalela, u a halalela Morena Molimo.'" Shuu. Ketso eo e etsa hore u ikutloe u sa halalele, ha ke re? Joale, eaba o etsang? O itse, "Ho malimabe 'na."

⁶³ 'Me eitseha a ipolela libe tsa hae 'me a re, "ho malimabe 'na," Lengeloi la tloha la tšoara letlao, la okha leshala la mollo le bapisang Moea o Halalelang le Mollo, 'me la tla le beha molomong oa moporofeta, la re, "Ke u hloekisitse." Eitseha mapheo a ntse a phutla joalo, eaba a phetla lesira la nako, a utloa Molimo o re, "Ho tla ea mang bakeng sa rōna?"

⁶⁴ Empa eare hobane a fumsne mokhoa oa ho felisa sebe, Molimo o no o batlide motho ea tsamaeang sebakeng sa Oona, 'me a re, "Ke 'na enoa, roma 'na." A ile a ema kahara Sefahleho sa Molimo, 'me a ipoletse libe tsa hae, 'me a hlatsoitsoe libe tsa hae, 'me a itokiselitse tšebeletso. Amen.

⁶⁵ Joaloka seroki ha se buile, se itse, "Limilione li shoella sebeng le sekhabong, ako utloe sello se haulang sa bona se bohloko. Akōfa, moena, akōfa ho ea ba pholosa; arabela kapele, 'Mongame, ke 'na enoa.'"

⁶⁶ Ha ke hopola Afrika, India, lefatše ka bophara, limilione tsa bahetene ba hooeletsang ba lla ba kopa ho hauheloa, ebe ho tla ea mang? Hase ho ba neeletsa lehlaseli, empa ke ho ba tlisetra Jesu Kreste. Motho ea leng ka pela Sefahleho sa Hae, ea kang Moshe, ea ka theohelang mono a ba bontša topollo ea makhonthe. Ha se ho ba ngolisa kerekeng, kapa ho tsukutlana le bona ka matsoho le ho rala tumeloa, empa ke ho tlisetra moea oa bona tokoloho; monna ea itseng ea lokileng. E, Esaia o ipoletse libe tsa hae eaba o a hloekisoa.

⁶⁷ Hobo Jakobo a loane bosiu bohole, a ntse a ipolela libe tsa hae, le sa hopola nqalo ea hae mono? E ne e bitsoa Peniel, P-e-n-i-t-e-l, Peniel. Lentsoe *Peniel*, ka Seheberu, le bolela, "boteng ba Molimo o Matlaohle." Jakobo, molotsana ea balehang hohle... o ne a bitsoa *Jakobo* e bolela "moothetsi," eo ke moqhekanyetsi, esale a baleha bophelo ba hae bohole, hole le Molimo, empa hang hoba a fihle ka pela Sefahleho sa Molimo mane Peniel, ka pela boteng ba Molimo, a tšoara Molimo 'me a hana ho Mo tlohela. Molimo, re hloka bo-Jakobo ba bangata. A tiisetra boteng ba Molimo, ka pela Sefahleho sa Molimo, a tiisetra hofihlela letsatsi le chaba. Molimo oa re, "Ntese Ke

tsamaee, hoba letsatsi le se le ea chaba.” Eaba o tiisetsa boteng ba Molimo hofihlela letsatsi le chaba, empa a tloha a behiloe ea lokileng ’me a pholositsoe. Huh.

⁶⁸ Oh, e ne e le nthohali e kakang, joale, ho tseba hore o loanne ’me o hlotse. Ke hore, o kile a bona lipontšo tsa Molimo, a lora litoro ka Molimo, empa lekhetlong lena keha a kene boteng ba Molimo, ka pela Sefahleho sa Molimo. E nahananeng, metsoalle. Joale, re sa potlaka. Ka pela Sefahleho sa Molimo, motho o a fetoha. Jakobo o ile a fetoha. Joale keha a khona ho tsamaea le Molimo. E, keha e le monna ea fapaneng le ea neng a nyolohetse mono. Ntoa e ne e felile joale. E, monghali. ’Me eaba o qala a haha aletare. O ne a sa tloaela ho haha lialetare, lea tseba. Empa, kea le bolella, ha u kena ka pela Sefahleho sa Molimo, u batla ho haha aletare nqa e ’ngoe. U batla ho fumana nqalo ea ho rapela. O ile a haha aletare. O ne a hloekisitsoe, ’me Molimo o ne a hlotse.

⁶⁹ ’Me eaba Jakobo o fetoloa ho tloha ho *Jakobo*, “mothetsi,” ho ea ho *Iseraele*, “khosana, ea nang le matla ho Molimo.” Ke sona se hlahetseng Jakobo. Mothetsi, moqhekanyetsi, ea sa lokang, ea sa halaleleng, moqhekanyetsii, ea qhekanyelitseng ngoanabo, a utsoa boholo ba hae, kamoo ho etsahetseng, ho amoha ngoanabo, a ikhethela ho e sebetsa ka tselana e litšila, moqhekanyetsi ea mokaalo. O qhekanyelitse ratsalae. A ala lithupa tsa papoliri ’me a hlahisa manamane a mebalabala, mohla makhomo a emereng a tlileng teng, le shebe ketso eo, ’me manku... a ne a bona lithupa tse mebalabala tseo a tsoale makhomo a mebalabala, a hlahise mabali a tsoalo. Moqhekanyetsi, ea qhekanyetsang ratsalae. A qhekanyelitse ’maè, a qhekanyelitse ntatae, a qhekanyelitse ngoanabo, empa eareha a fihla teng... E ne e le molotsana. A baleha hohle moo a fihlang, esale a baleha Molimo, a baleha ngoanabo. Empa hoba a fihle ka pela Sefahleho sa Molimo, a itemoha e le moetsalibe. O ile a etsang? O ile a etsang? A bona monyetla oa hae. A kopana le seo a sa kang a se nahana pele, ’me a lula mono hofihlela libe tsa hae tsohle li hlatoitsoe. Oh, khili! Molimo oa mo kenya ka pela Sefahleho sa Hae ka Sebele.

⁷⁰ Molimo o na le mokhoa oa ho sunya banna ka pela Sefahleho sa bona, ebe ba etsa qeto ea bona. Ba bang ba Mo baleha, ba bang ba balehela ho Eèena. Haeba ba reretsoe Bophelong, ba E lumela, ba itšoarella ka Eona. Haeba ba se joalo, ba leka ho sutha ’me ba re, “Ha ho letho ho Eona.” Lea bona? Ke eèena mothaka ea lahlehileng eo. “Mothaka ea ipolelang sebe sa hae, o tla lebelloa. Ha u pata sebe sa hao, u ke ke ua atleha.” Che.

⁷¹ Ka hona Jakobo mohla eèena, lea tseba, tsatsi le hlahlamang ha a kopana le Esau ngoanabo. Keha a sa hloke thuso ea hae. A sa hloke mabotho a hae. Keha a le maphathe a haha lialetare. Keha a sa hlole a tšaba Esau.

⁷² Lipesalema 16:8, Davida o boletse, “Ke behile Morena pela ka.” Ke ntho e ntle eo e ka etsoang. Lipesalema 16:8, “Ke behile Morena pela ka.” Ka baka leo, a ke ke a ferekana. O ne a batlile ho utloa Sefahleho sa Hae, ka baka leo Davida o itse, “Ke behile Morena pela fahleho sa ka kamehla. Joale ’na, Davida, ke behile Morena pela fahleho sa ka, e le hore kamehla ke utloe—utloe Sefahleho sa Molimo.” Na ebe hase thuto e molemo ho rōna bohle bosius bona? Ho beha Morena ka pela rōna re tle re utloe Sefahleho sa Hae. Beha Eèna pele. Hobaneng? Beha Eèna pele, ka pela hao. Hobaneng? U ke ke ua etsa sebe ha u ikutloa u lutzse ka pela Sefahleho sa Molimo ka linako tsohle. Ha u ka utloa hore Molimo o haufi, u ela seo u se buang hloko.

⁷³ Monna, ea nahananang hore Molimo o hole, o mahlapa, o lakatsa basali, o tla etsa... o tla utsoa, a qhekanyetse, a bue leshano. O tla etsa eng le eng ha a nahana hore Molimo ha o 'mone. Empa ha u mo kenya kahara Sefahleho sa Molimo, o tla khaotsa hona joale. Lea bona? 'Me Davida o itse, “Ke behile Morena pela ka kamehla.” Ke ntho e molemo eo. Ha ho makatse ha Molimo o itse ke monna ea lutseng pelōng ea Hae ka Sebele. Motho o etsa eng le eng haeba a hopola Molimo a se haufi. Empa ha a elelloa bohaufi ba Molimo, na u kile ua elelloa moetsalibe? E re motho oa mohalaleli a fihle, a tlohela mahlapa, haeba a apere hlompho ea letho. Lea bona? A ke ke a etsa mesoaso e litsila ea tloaelo ea hae. Lea bona? Lea bona, o tla e tèla, hobane o itseba a le kahara Sefahleho sa Molimo, hobane Molimo o ahile kahara tabernakele ea batho ba Hae. Lea bona?

⁷⁴ Hoba Davida a etse sena, o boletse, “Pelō ea ka e tla nyakalla.” Ekare le ka e bala, Lipesalema 16, “Pelō ea ka e tla nyakalla, le nama ea ka e tla iphomolela ka tsepō.” Hobaneng? Pelō ea ka e tla nyakalla hobane ke behile Molimo pela ka kamehla. “Le nama ea ka e tla iphomolela ka tsepō; leha nka shoa, ke tla boela ke tsosoa. Hobane A ke ke a tlohela Mohalaleli oa Hae hore A bone ho bola, A ke ke a lesa moea oa Hae liheleng.” Lea bona? Mohla Davida a ne a hloma Molimo ka pela hae, 'me a itemoha a le kahara Sefahleho sa Molimo ka linako tsohle. “Le batle 'Muso oa Molimo pele.”

⁷⁵ Joale mamelang, kereke, kea le rata. Joale ke batla ho re le nkutloe. Joalokaha Moena McCullough a ne a tloaetse ho bua, ke tlil'o bua ntho e 'ngoe. Beha Morena ka pela hao kamehla, 'me u se etse letho leo u ke keng ua le etsa ka pela Sefahleho sa Hae, hobane O u shebile. Lea bona? Morena o larile le ba Mo tšabang. Ha A... O lula hantle mono pela hao. 'Me O tseba sohle seo u se etsang, 'me u tlameha ho elelloa taba eo. Ha u qala u bua leshano, u se ke ua leka, u hopole, Molimo o ntse a mametse. Ha u qala u qhekanyetsa hanyenyane, u se ke ua leka, Molimo o ntse a u shebile. Ha u qala u tlaela ka Lebitso la Hae, u se ke ua leka, Molimo o ntse a u mametse. Ha u qala u tsuba sakrete, O u shebile. Lea bona? Ea Hae... Re ne re

tloaetse ho bina sefela, "Leetong la moea ho ea meahong ea sebele, leihlo le u shebile; khato ea hao eohle, leihlo le leholo lena le falimehile, le teng leihlo le u shebileng." Hopola, u etsitse Davida, beha Morena pela fahleho sa hao kamehla. Pelō ea hao e tla nyakalla le nama ea hao e tla phomola ka tšepo, hobane O e tšepisitse. E, monghali. O itsebile hore o tla tsoha hobane Molimo o e tšepisitse. Ke hantle.

⁷⁶ Ha re kena ka pela Sefahleho sa Hae, rea fetoha, ha re sa hlola re tšoana. Le shebe ho theoha le mengoaha, ho batho, ba mehlahloe eohle. Le shebe Abrahama. Le re, "Be, ho fetoha bophelo ba bareri feela." Oh, che. Ho fetoha bophelo ba mang le mang. Lea bona?

⁷⁷ Joale, Abrahama e ne e le sehoai, empa eareha a utloa Lentsoe la Molimo le bua le eèna, 'me a bona pono eo, ea e-ba monna ea fetohileng ho tloha mohlang oo ho tsoelapele. A ikhetha mofuteng oa habo, ho balekane ba hae bohle, a itsamaela e le moeti le mofeti, naheng ese, bophelo ba hae bohle, a ahile litenteng, hobane o buile a phatlalatsa a re o batla motse oo Moahi le Mohei oa oona e leng Molimo. O tsebile hore Molimo o teng, le hore motse o teng Oo Moahi le Mohei oa oona e leng Molimo. Ke sona seo Baheberu 11 e re bolella sona, ho thoe o ne a batla motse oo Moahi le Mohei oa oona e neng e le Molimo. E ne e le monna ea fetohileng, koana e se letho haese rapolasi ea pala feela. Empa o bone pono 'me a kena kahara Sefahleho sa Molimo, ea eba monna ea fetohileng ho tloha mohlang oo ho tsoelapele.

⁷⁸ Moshe, oa molisa, empa ha a kena kahara Sefahleho sa Molimo monna eo a fetoha. E le lekoala, a baleha Faro, athe lebotho lohole le mo tšehevitse. Empa a khutla a hapa sechaba sohle, ka molamu letsohong la hae. Lea bona? Hobaneng? O kene kahara Sefahleho sa Molimo. E ne e le monna ea fetohileng, molisana.

⁷⁹ Petrose, motšoasi oa lihlapi, ea sa tsebeng letho ka ho tšoasa lihlapi... kapa ea sa tsebeng letho ka Molimo, mohlomong a itsebela ho tšoasa hlapi. Empa ha a kena ka pela Sefahleho sa Molimo, 'me a bona 'Mopi e moholo Ea neng a khona ho bopa hlapi, mohla A mo laelang ho lahlela letlooa ho tšoasa. Ho se hlapi mono, o ile a hula letlooa la hae feela. Empa o itse, "Ka Lentsoe la Hao, Morena. Kea lumela hoba U Mora Molimo, 'me ha U ka lumella... ha nka lahlela letlooa, U ntaetse joalo; ka polelo ea Lentsoe la Hao, kaha Uena le Lentsoe la Hao le le bang, ke lahlela letlooa ke hona." Eitseha a hula, a re, "Tloha, Morena, hoba 'na ke motho oa moetsalibe." Lea bona, motšoasi oa lihlapi, hoba Petrose a kopane le Kreste ha a hotlse a tšoana. Eèna, ha morao, a tšepeha ho Molimo hakana, hoo a bileng a neoa linotlolo tsa 'Muso. E, monghali.

⁸⁰ Pauluse, Mofarisi oa moipehi, ea rutehileng a koetlisitsoe borapeling bohole ba...bo fumanoang lefatšeng lohle letsatsing leo, e mong oa baithuti ba qahameng ka ho fetisa naheng. Empa tsatsi le leng ha a ema ka pela Topallo eo ea Mollo, Molimo eo esale a mo hlorisa, a sa lemohe. E ne e le Mofarisi, a sa lumele hore Molimo ke Monna. A tsebile Molimo e le Topallo ea Mollo, E eteletseng batho ba Hae ea ba ntša Egepeita, esale E tsamaea le bona ho tla joalo. Empa eitseha a bona Topallo ena ea Mollo, a itihela fatše ka sefahleho. Eaba o utloa Lentsoe le reng, “Saule, u Ntlhorisetsang na?”

Ho re, “U Mang, Morena?”

⁸¹ A re, “Ke ’Na Jesu.” Ke eëna monna, ea itseng, “Ebe le kolobelitsoe joang?” A tsoa ka pela Sefahleho sa Molimo. Monna eo a fetohile ho tloha mohlang oo, a ile a lula ka pela Sefahleho sa Molimo. Se fetola motho.

⁸² Charles G. Finney, ramolao, ramolao e moholo oa Filadelfia, empa mohla a ne a kena kahara Sefahleho sa Molimo a nyahlatsa thupello ea hae ea ramolao a fetoha moreri oa senatla eo naha ena e kileng ea mo fumana.

[Sekheo lebanteng—Mong.]... e ne e le moreri, kaha a kile a kena ka pela Sefahleho sa Molimo tsatsi le leng. A ile a nahana, hang, hore o tla ithuta tšebetso ea lentsoe. Le tseba buka ea hae. Ke tšoere pale ea bophelo ba hae. Eaba o tsoa ho ea rapela. A ikhopola e le moreri. A e na le tabatabelo eo, a batla ho rera, ’me a iketselitse lithero tse ’maloa ’me a tla leka ho li rera. Ka tsatsi le leng a tsoa, a tsoela kantle ho ofisi ea hae, ho ea rapela, eaba o kena merung. A potela ka sefate se pheutsoeng ke moea, a ea koo, thapama e ’ngoe le e ’ngoe. A hlile a tletse borapeli, a mpa a sa lumele Hoo.

Basali ba babeli kahara kereké, ba sa phetse ho re, “Mongh. Finney, re ntse re u rapella ho amohela Moea o Halalelang.”

A re, “Ke na le Moea o Halalelang.” Ho re, “”Na ke moreri.”

⁸³ Ha thoe, “Mongh. Finney, o monna ea phahameng, u hlile u tšoere Lentsoe, empa u hloka Moea o Halalelang. Re ntse re u rapella.” Basali ba banyenyane ba mosa.

⁸⁴ Eaba o tsoeletse joalo, le joalo. Tsatsi le leng o ne a potela ka mora ofisi ea hae, mong’ a hae le bao bohole ba le teng mosebetsing, ebe o tsoela kantle ho ofisi ea hae ea ramolao ’me a tsoela kantle koo ho rapela. Tsatsi le leng a sa tsoile ho rapela a utloa sehlahla se hlokohleha. A hopola e le mong’ a hae ea tläng, a ntse a ’matla. A qhoma kapele. E le ha a ntse a re, “Morena Molimo, ke lumela ho Uena.” Eaba sehlahla sea hlokohleha, a re, “Uhm! Uhm! Uhm!” ebe o ema, a ntse a qamaka, a shebe hore na sehlahla se fehliloe keng. Eaba mohlang oo o kena kahara Sefahleho sa Molimo. A elelooa hore sehlahla seo se fehliloe ka morero. A ema mono, likelei

li theoha marameng a hae. A re, “Mohlomong basali bao ba nèpile. Ke hlajoa ke lihlong ha motho a ka mpona ke qoqa le Molimo oa ka, empa ke hopola e le tlota ho motho ho mpona ke qoqa le mong’ a ka. Morena oa ka o phahametse mong’ a ka hakakang!” Ho re, “Morena, ntšoarele ’me u ntlatse ka Moea o Halalelang,” eaba moo a qalang a lla a hooeletsa. O ne a kene kahara Sefahleho sa Molimo. A mathela toropong ka potlako ofising ea hae. A tšoaroa ke ho lla haholo a ba a tlameha ho potela ka lemati, a re, “Morena, ke tla U tlontlolla. Mpate ka mona hofihlela maikutlo ana a fetile.” Hobaneng? O ne a kene kahara Sefahleho sa Molimo. E ne e le monna ea fetohileng. Lithero tsa hae tsa mehleng, o rerile tsona lithero tsa hae tsa mehleng eaba meeaa e tla aletareng. Lea bona, a ile a kena kahara Sefahleho sa Molimo.

⁸⁵ Moody, moteinyana oa lieta, a batla a sa tsebe li-ABC tsa hae. Ke hantle. Melao ea hae ea puo e ne e fokola. Motho o kile a ’molella tsatsi le leng, “Melao ea hao ea puo e hlile e a fokola, Mongh. Moody.”

A re, “Empa ka eona ke hapa meeaa.” Ka baka leo . . .

⁸⁶ Ka tsatsi le leng lipampiri tsa litaba, mohlophisi a ngola seratsoana pampiring. A tloha ho ea bona hore ho tla joang ha monna enoa a khona ho bokella batho tlasa maemo afe, mothaka oa khale, ea lefatla, le eng eohle, matšoala a lepeletse, mpa e batla e le lekukana, ’me e le monna ea tšabehang ho talingoeng. Eaba pampiri ena ea litaba e ngola ka thata, ha thoe, “Ha ke bone hore na motho a ka bonang ho Dwight Moody.” Ha thoe, “O mobe, lentsoe la hae le a ngaea, matšoala a hae a lepella ho fihla lethekeng, o lefatla joalo mokopu.” Le ho re, “Ebe motho a ka bona’ng kahara Moody le ka mohla?”

⁸⁷ Eaba manejara oa Moody o a e bona, a re, “Sheba, Mongh. Moody, ke tla u balla ntho ena.” Moody a sa khone ho bala ka bo-eëna. Ka baka leo, “Ke tla u balla seratsoana sena sa mohlophisi.” A ile a e ngola.

⁸⁸ Eaba Moody o sihletsa mahetla, ho re, “Ruri ha ho letho, ba tlide ho bona Kreste.” Eaba ke phetho. Hobaneng? O kile a kena ka pela Sefahleho sa Molimo. O qalile ka ho tea lisolo tsa lieta, a li roesa batho; joale a hlomella batho ka mafolofolo a Evangeli ea boitlhophosetso. Hobaneng? O ne a le ka pela Sefahleho sa Molimo. Hantle.

⁸⁹ Mosali e mong o kile a kena ka pela Sefahleho sa Molimo, a hlile a le molato. Nakoaneng feela eitseha a itemoha a kene ka pela Sefahleho sa Molimo, sebe ka seng se ile sa tšoareloa ’me a hloeka a soeuafala joaloka mohalalitoe. Oh, khili. Nka bitsa batho ba bakae mona, nako e ke ke ea ntumella.

⁹⁰ Empa ke batla ho bua ka ’na nakoana. Ke hofe ho nong ho ka ba tlase ho mpheta? Ke ne ke le hokae? Ke ne ke tsoa lelapeng la matahoa, ke tsoa lelapeng la babolai, ke tsoa

lelapeng la manoajoala. 'Me lea e tseba, mang le mang oa lona oa tseba, o tseba mofuta oa lebitso la rōna mona. Batho ba sa batle ho re buisa seterateng. Enereha ke theohela toropong, ke qala ke qoqa le motho, ho se motho ea buang le 'na ha motho e mong a le teng. Ba ne ba qoqa le 'na, ereha motho e mong a fihla, ba tlohe ba tsamaee. Ebe ke ema mono 'me ke lle, "Che, ha se eona, ho ke ke ha ba joalo. Ntho ena e phoso."

⁹¹ Empa eaba tsatsi le leng ke kena ka pela Sefahleho sa Molimo. A mphetola 'me a nketsa mora ea fapaneng. Mohau oa Hae oa nkenya kahara Sefahleho sa Hae. Ha ke eso batle ho Se tēla haesale. Mona ke se ke qetile lilemo tse mashome a mararō le letho ka thoko. Ha ke batle ho E tlohela. Ke na le kholiso e reng ke tla lula Mono kamehla. Esita le lefu ha le ka ke la nkaro hanyia le Sefahleho sa Hae. Che. Ke tla ba le Eēna kamehla. Mohla ke ne ke bona Sefahleho sa Hae khetlo la pele, ka na ka hooeletsa joaloka Esaia, "Ho malomabe 'na." Eaba O nkama ka mohau oa Hae. Ka ba motho ea fetohileng. Molotsana ea neng a tsoa 'me a itšoare ka hore le ka hore, keha a fetotsoe, 'me esale ke le ngoana oa Hae ho tloha mohlang oo. Ho tloha mohlang oo, esale ke lakalitse ho nehela bophelo ba ka bohle tšebetsong ea Hae, eaka nka be ke fuoe maphelo a likete tse leshome ho Mo neha oona. Bona bo qala bo pona haholo joale, bo qetile lilemo tse mashome a mahlano a metso e merarō joale. Tse ka bang mashome a mararō a metso e merarō tsa tsona, kapa tse mashome a mararō a metso e 'meli li sebelistsoe Evangeling. Ekare nka boela ka fuoa ho sebelisa sekete se seng. Hobaneng? Hang ha ke kena kahara Sefahleho sa Hae ka lemoha hore e Mong o teng Ea ratileng ba sa ratoeng, o teng Ea nthatileng mohla mang a sa khoneng, O teng Ea ntsoteletseng mohla mang a sa tsotelleng. Eaba ke hamarela sefapano sa Hae, ka se sika haufi le 'na, 'me 'na le Eēna ho tloha mohlang oo re fetohile ntho e le 'ngoe. 'Me ho tloha mohlang oo esale ke Mo ratile. O tlotsitse sefuba sa ka le pelō ea ka ka Mali a Hae, ka ho nkama le ka ho ntšoarela libe tsa ka, 'me bosiusg bona ke thabetse ho ba e mong oa ba Hae. Ha ke eso lakatse ho furalla nqalo ena ea Leholimō, leha koana sefefo se lekile khafetsa ho nkanelia; empa ke bolokehile qhobosheaneng ea Molimo, 'me ke thabile leratong la Hae le mohaung, ebole ke phela ka mosikong oa alleluia. Khele! E nyakkallisa pelō ea ka.

⁹² Ke Mo thaotela mang le mang ea khathetseng. Ke Mo thaotela uena ea se nang tšepo. Uena ea eso kene ka pela Sefahleho sa Hae, ntho e le 'ngoe eo u tlamehang ho e etsa u tšoanelia ho ipolela libe tsa hao 'me u itemohe u le phoso, 'me bosiusg bona Molimo o khethile Lengeloi leo, le bitsoa Moea o Halalelang, le tla tlosa libe tsa hao tsohle. Joale u tla hooeletsa, "Morena, ke 'na enoa, roma 'na." U tla phahamisa matsoho a hao u bine, "Ke tla Mo rorisa! Ke tla Mo rorisa! Ho

rориса Konyana e hlabetsoeng ba'libe. Lōna batho bohole, le Mo tlotlise, hoba Mali a Hae a tlositse koli efe le efe." Kea Mo rata. Le lōna na? Ho phela ka pela Sefahleho sa Hae!

⁹³ Ke tlie sefaleng sena hoseng hona, ke ikutloa hampe 'me ke kulisoa ke...Ke—ke ne ke theohetse Kentucky veke e fetileng le metsoalle ea ka e lutseng mona. Hola ka lula haleletsana mono, ba ka be ba mpolaile, ehlile bo, ka mosa, ka ba fumana e le ba bang ba baapehi ba hloahloa bao ke ba tsebileng bophelong ba ka. 'Me enereha ke khotše, ke tletse, "Moena Branhan ha u batle ho leka lethonyana lena?" 'Me keha li le monate hona, ebe ke leka ho li kometsa feela. Ke khotše hona ke batla ke sa khone le ho tsamaea. Ke—ke sa khone ho robala, ebe ke tsoha nakoana ho tsamaea. Ke ne ke se monate ha ke fihla mona hoseng hona. Empa hang ha ke fihla ka pela Sefahleho sa Hae, eaba ke phetho. Eaba ke phetho, ea nyamela kaofela ha eona. Ke hantle. Oh, ho phela ka pela Sefahleho sa Hae!

Ke tla Mo rorisa, ke tla Mo rorisa,
Rorisa Konyana e hlabetsoeng ba'libe;
Lōna batho bohole le Mo tlotlise,
Mali a Hae a tlositse koli efe.

Ha re inamiseng lihlooho tsa rōna joale.

[Moena Branham o qala a binela *Ke Tla Mo Rorisa* ka marameng—Mong.]

O nketselitse tse khōlō.
O ntšoaretse bokhopo baka,
Mali a Hae a hlatsoitse sebe sa ka.

Ke tla Mo rorisa, ke tla Mo rorisa,
Rorisa Konayana e hlabetsoeng ba'libe;
Lōna batho bohole le Mo tlotlise,
Mali a Hae a tlositse koli efe.

[Moena Branham o qala a binela *Ke Tla Mo Rorisa* ka marameng—Mong.]

⁹⁴ Joale ha u le teng bosius bona... 'Me kea tseba hore Sefahleho sa Hae se teng mona. Ke ne ke eme nakoana e fetileng, ke ile ho ngoananyana oa Church of God, eaba Moea o Halalelang o theohela holima ka ke sa rapella ngoana eo. Batsoali ba ne ba theohile ba tsoa liahelong tsa Anderson Church of God. 'Me mookameli mono, ea tsebang ngoana, lingaka li ne li buile "na ebe...o tlamehile ho shoa hang, o tšoeroe ke leukemia." Ngoananyana, mothoana e mosa, o lekhatheng la hae la ho qetela joale. O ile a khutlela mono a 'nanabela ka letsoho la hae, keha le ruruhibe, le hlabiloe linalete le lintho, le le 'mala o bolou. Ka mo sheba, ka bona pono. Batsoali ba hae ba ne ba sa tsoa bala buka mono. Ba sa tsebe letho ka eona. Mookameli ea holimo mono setšeng o ne a ba boleletse, a ba elelitse ho tlisa

ngoana koano. Ba ne ba batla ho khutla mohla re tšoarang tšebeletso ea pholiso. 'Me ka re, "Le ka tlisa ngoana joale," ka ikutloa ke etelloa pele.

⁹⁵ Eare ke sa eme hantle mono, Moea o Halalelang oa khutla hantle oa senola nalane ea ngoana. Ho bolela hantle se hlahileng, seo ba se entseng. Ho bolela litabatabelo tsa ngoanana eo, o ne a batlile ho ba seletsi sa piano. 'Mè eo a batla a hooeletsa. Eaba ntate o re, "Eo ke 'neta ea Molimo." Hona joale o lutse kahara koloi o mametse, ha a khona ho kena, o lutse kantle ka mono o mametse hona joale.

⁹⁶ Ha theoha lessira le leholo le letšo la okamela ngoana. 'Me ka re, "Satane, u hlotsoe." "Molimo, ha U shebe tšobotsi ea motho. 'Me ka matla a tsoho ea Hao, le joaloka mohlanka oa Hao, ke leleka liabolosi enoa ho ngoana." Holima hae ha halima Leseli le leholo le khanyang, keha ho felile. Amen. Huh? Ehlide, thoriso eohle ea Mo tšoanel!

⁹⁷ O tseba lintho tsohle. O tseba pelō ea hao. 'Me le uena u tseba seo u se nahanneng; le Eèna, hape. Haeba ho uena ho leketlile sebenyana bosiung bona, 'me u sa batle ho kena ka pela Sefahleho sa Molimo ntho eo e leketlile ho uena, u ka boela ua phahamisa letsoho la hao ua re, "Moena Branham, nthapelle, ke batla ho lula ka pela Sefahleho sa Hae Letsatsing lela, ke se na molato." Molimo a u hlohonolofatse. Matsoho a mangata, Molimo o a e bona. Ka pela Sefahleho sa Hae. Joale ke tla le bolella seo le tlang ho se etsa. Joale le mamele ka hloko. Le etsise Davida, beha Morena ka pela hao hona joale. Beha Morena lipakeng tsa hao le sebe seo, ekaba sebe sefe se u tšoasang feela. Ekaba leshano, ekaba ho utsoa, ekaba mohopolo o mobe, ekaba mabifi, ekaba ho noa, ekaba ho tsuba, ekaba ho k'hembola. Ha ke tsebe seo e leng sona. Ekaba takatso. Ekaba ntho efe. Ha tsebe seo e leng sona. E ka bang eng, beha Morena pela hao. 'Me pelō ea hao e tla nyakalla, le nama ea hao e tla phomola ka khotso, hoba u tseba Kreste a tšepisitse hore O tla tsoha hape matsatsing a qetelo. Mohla A tlang, re tla hlaha re tšoana le Eèna. Na u ke ke ua etsa hoo re sa rapela.

⁹⁸ Ntata rōna ea Maholimōng, Molaetsa o monyenyanne o hlahlathuoeng ka mohlanka ea khathetseng. Empa ke ne ke nahanne ka sehlooho sa "ho lula ka pela Sefahleho sa Molimo." 'Me bosiung bona re bona tšoaetso ea sona holima banna ba halalelang ba kileng ba ema ka pela Sefahleho sa Hao, tšusumetso ea eona holima bona. Bahale, baporofeta ba baholo ba linatla ba khethiloeng ke Molimo, 'me ba rometsoe ho rera Lentsoe, 'me enereha ba kopana le Eèna lifahleho li talimane ba oele fataše e ke motho ea shoeleng. Re tla etsang letsatsing leo, Morena? Re mpe re nahani. Esale re nahanne ka eona. Matsoho a mashome a mane kapa a mashome a mahlano a ile a e nahani. Morena, kaha ba ile ba phahamisa

matsoho a bona, kapa lipelō tsa bona tlasa letsoho, esale re bua ba ile ba nahana ka ho kopana le Eèna. Ebe ba tla etsang haeba ba ka tlameha ho kopana le Eèna?

⁹⁹ Matsoho a ka, Morena, a phahame. Ke tla etsang? Joale, Ntate, ke etsa liphoso tse ngata. Ke sa tsoa ipolela sebe sa ka pela kereke ena hoseng hona, ke ipoletse sona ho Uena qhooeng ea thaba hoseng ho hong mohla moea o fokang le lehloa le khethheha, 'me mono holima thaba, ka lla 'me ka U kopa ho ntšoarela booatla ba ka. Le kamoo ke neng ke tšaba ho tla ema ka pela banabeso, etsoe ba bang ba nkuka ke le moporofeta-mohlanka oa Hao. 'Me, Morena, ke sa batle ho tla ema pela bona ke ba bolella ka ketso ea bothoto haele moo ke entse hoo, empa, Molimo, ho molemo moeeng oa ka ha ke ipolela libe tsa ka ke sa li pate. Ka baka leo ho tšepahala ho Uena, le ka tšoanelo pela batho, ke ipoletse eona, Morena. Ke fositse, ke hlile ke fosahetse. Ke rapella tšoarello.

¹⁰⁰ 'Me hape, Ntate, ke bohlasoa ho Uena, ho U sebeletsa, ke hangata moo nka beng ke khathile tema ho feta kamoo ke sebelitseng empa ke hlolehile. Ntate, ke ipoletse libe tsa ka. Ke batla hore Lengeloi la Molimo le nthloekise eona, ka Mali a Jesu. Matsoho a mang a phahame bosius bona, a mang mohlomong ha a eso kope tšoarello pele; empa ke tiile ka ntho e le 'ngoe ena, haeba re ka ipolela libe tsa rōna, Molimo o tla li hlakola, a li lahlele leloatleng la tebalo ho se hlole li hopoloa le—ho leka hape. 'Me, Ntate, ke ipoletse tsa ka, mabapi le ho itšoara hampe pela batho, ka se ke ka itšoara joaloka mohlanka oa Kreste. Ha kea khona. Ka hopola batho ba tla nkhalafela 'me ka re ha ke batle ho thonkha maikutlo a hae, feela ke sa nahane seo ke U etsang sona, Morena. 'Me joale ke—ke U rapela ho ntšoarello. 'Me joale, Ntate, kea tseba haeba ke kopa tšoarello kea tšoarello, 'me U li lahletse leloatleng la tebalo, 'me ha U sa tla li hopola. Molimo, ke leboha hoo haholo.

¹⁰¹ 'Me ke U rapela ho lumella mang le mang mona, ea nang le sebe, sebe se tšoasang feela pela bona, ba se tlose 'me joaloka Davida ba behe Morena pela bona. Hoba joale rea hooeletsa, "Ho malimabe 'na, hobane ke bone Khanya ea Molimo. Ke monna ea melomo e litšila, kapa mosali kapa ngoanana ea melomo e litšila, moshanyana, kapa eng." Leha re ka ba eng, ha rea hloeka, 'me re kopa Mali a Jesu Kreste, Sehlabelo se molemo, ho re hloekisa sebe, re tle re lule ka pela Sefahleho sa Hae kamehla. Re lumelle ho tloha mona bosius bona lipelō tsa rōna li thabile, le nama ea rōna e phomotse ka tšepo, ho tseba sena, hore mohla Jesu a tlang, re tla tsosoa le Eèna ka setšoantšo sa Hae, 'me re tla kopana le Eèna sebakeng, Hloibilong, mohla nako ea ho thakhoha e fetileng. Re bona mongoaha oa kereke ea bosupa o se o baliloe, 'me joale re mothating oa ho thakhoha. Rea rapela, Molimo, hore Uena, pele U koala monyako, e mong ha a le teng mona bosius bona a eso kene kahare, ba ke ba

potlake kapele, hoba re utloa monyako oa mohau, lipakeng tsa mohau le kahlolo, o a koaloa. Ba amohelang mohau ba tla kena kahare. Ba sa kenang ba tla tlameha ho otloa ka kahlolo. Molimo o koala monyako. Ho se be le monyako o koalloang baetsalibe bana ba ipolelang bosius bona. Bohle re balloe 'me re hauheloe. Ka Lebitso la Jesu Kreste.

¹⁰² 'Me joale, Ntate, ho bakuli le ho bababi, ho bahloki, ke rapella mohau oa Hao ho baballa tsohle tseo ba li hlokang. Ba ke ba kene ka ho Kreste, ka pela Sefahleho sa Hae. Ho beha Kreste, Kreste, tsepiso, "Athe O hlabetsoe bokhopo ba ka,' tseo ke libe tsa ka, 'Ke folisitsoe ka maqeba a Hae,' ha ho le joalo ke beha Morena ka pela ho kula ha ka. 'O ka letsohong la ka le letona, 'me nke ke ka sisinyeha,' ka hona ke tsamaea ka sebete, ke ipolela hobane ke folile. 'Ke folisitsoe ka maqeba a Hae.'" Aba sena, Morena, ho mang le mang oa bona. 'Me rea tseba hore ha re bolela ka lipelō tsa rōna 'me, kapa ka melomo ea rōna, 'me re lumela lipelōng tsa rōna, re fuoa takatso ea rōna.

¹⁰³ U boletse, "Ekare ha u bolela taba, u lumela hoba e tla etsoa, u ka fumana seo u se boletseng." Rea e lumela, Ntate, rea lumela hoba U tla re hloekisa libe tsa rōna tsohle, le ho folisa maloetse a rōna kaofela, le ho re hauhela, Morena, re tle re U sebeletse.

¹⁰⁴ Lula le batho bana. Bongata ba bona bo tli'l'o tsamaea litsela tse lefifi bosius bona. Bongata ba bona bo tla tsamaea limaele tse ngata. U se ke ua ba tlohellia ho hlaheloa ke letho, Morena. Ba tsoa naha ka bophara ho lula mona ho tla mamela nako ena ea ho thakhoha, ho bona na re atametse nako ena ea bofèlo hakae. Joale ke ba kopile ho tsamaea, ho beha Molimo ka pela bona, ka pela bona kamehla, ka pela eng le eng ese. Ka pela leeto la bona, ka pela motsamao oa bona, ka pela bona—pele ba tsoha, ka mora hoba ba robale betheng, kamehla le pele ba robala, e ka bang kae, le behe Molimo pele! "Hobane O ka letsohong la ka le letona, 'me nke ke ka sisinyeha." Lipelō tsa bona li ke li nyakalle, ho tseba hore ba fumana seo ba se kopileng, hobane Molimo o e tsepisitse, le nama ea bona e tla phomola ka tsepo. Aba sena, Morena, hoba re e kopa ka Lebitso la Jesu Kreste. Amen.

Ke tla Mo rorisa, ke tla Mo rorisa,
Rorisa Konyana e hlabetsoeng ba'libe;
Lōna batho bohole Mo tlotlise,
Mali a Hae a hlakotse koli efe.

¹⁰⁵ Joale na u a lumela hore u behile Morena lipakeng tsa hao le sebe sa hao, lipakeng tsa hao le maloetse a hao, lipakeng tsa hao le phoso ea hao, lipakeng tsa hao le litsela tsa hao? "Morena o ka pela ka kamehla, le 'na ke ka pela Sefahleho sa Hae. Khetlo le latelang ha ke qala ke hotetsa sakrete, Morena o ka pela rōna. Khetlo le latelang ha ke

qala ke lakatsa, Morena o ka pela ka. Khetlo le latelang ha ke qala ke bua phoso, Morena o ka pela ka. Khetlo le latelang ha ke qala ke bua bobe, Morena o ka pela ka. 'Me nke ke ka sisinyeha. Amen. Ke tla phela ka pela Sefahleho sa Hae letsatsi ka leng, ka boitšoaro ba ka, letsatsi le leng le le leng ka puo ea ka. Ke tla tsamaea eka hoja Morena a le pela ka, hobane bosiung bona ke Mo behile ka pela ka. Nke ke ka sisinyeha." Lea Mo rata na?

¹⁰⁶ Joale, ha re emeng joale. Oh, ke ikutloa ke thabile haholo. Ke ikutloa ke sa batle ho ea lapeng. 'Me lea tseba e batla e le mashome a mabeli a metso e mehlano pele ho robong, 'me ke pele ka lihora tse ka bang peli. Na ha ho babatsehe? Oh, khili! Empa joale e re re sa tsamaea, ha re hopoleng, re tšoanelo ho nka Lebitso la Jesu, e le thebe khahlano le leraba lefe. 'Me ha meleko e re likanyetsa... le leke ho hopola taba eo, bulula Lebitso le halalelang leo thapelang.

Inkele Lebitso la Jesu,
Ngoana masoabi le tlokotsi;
Le tla u thabisa le u tselise,
Oh, Le nke hohle moo eang teng.

Lebitso le ratoang, (Lebitso le ratoang), oho
le monate!
Tšepo ea lefatše le thabo ea Leholidō;
Lebitso le ratoang, (Lebitso le ratoang), oho
le monate!
Tšepo ea lefatše le thabo ea Leholidō.

¹⁰⁷ Ba thabelang molisa oa rōna ba bakae, Moena Neville? [Phutheho e re, "Amen."—Mong.] Na ha le lebohe Morena ka monna ea molemo, ea tšepehang, oa letsatsi le leng le le leng, ea lumelang Evangel? ["Amen."] 'Me o etsa mosebetsi o babatsehang oa ho utloa Melao ea Molimo, le ho bolela Lentsoe le ho baballa atmosefere e khōlō ena ea semoea kahara kereke ka linako tsohle. Le hopole, ke haotse Lebopo la Bochabela, ka haola Boroa, le holimo Lebopong la Bophirima, le ho feta hara Canada, 'me ha ke eso kopane le kereke e lekanang le ena ka moea. Li tsetetsoe, yaa, haese bohlanya, kapa cheseho e hlaha, kapa li bata hoo li sa khoneng ho sisingoa. Ke phetho.

¹⁰⁸ Joale, lea ratana na? [Phutheho e re, "Amen."—Mong.] Oh, tsukutlanang ka matsoho, le re, "Ho bokoe Morena."

¹⁰⁹ [Moena Branham o tsukutla le batho ka matsoho—Mong.] Ho bokoe Morena. Ho bokoe Morena. Ho bokoe Morena. Ho bokoe Morena, khaitseli. Ho bokoe Morena. Ke thabo ha u ne u tlie mona, moena. Ho bokoe Morena, khaitseli. Molimo a u hlohonolofatse. Ho lokile. Molimo a u hlohonolofatse. Re tla etsa joalo. Molimo a u hlohonolofatse. Ke tseba seo u se hlokang. Molimo a u hlohonolofatse. Molimo a u hlohonolofatse.

Inkele Lebitso la Jesu,
 Ke thebe sefing sefe;
 Meleko ha e u likanyetsa, (U etsa'ng?)
 Bulula Lebitso le halalelang leo ka thapelo.
 Lebitso le ratoang (Lebitso le ratoang), oho le
 monate! (Oho le monate!)
 Tšepo ea lefatše le thabo ea Leholidō;
 Lebitso le ratoang (Lebitso le ratoang), oho le
 monate!
 Tšepo ea lefatše le thabo ea Leholidō.

¹¹⁰ Ha re inamiseng lihooho tsa rōna. Tlase haholo, re se lebale
 hoo joale. Ha re bineng temana eo hape.

Inkele Lebitso la Jesu, (Bakeng sa eng?)
 Ke thebe sefing sefe, (ha Satane a leka ho u
 chehela leraba);
 Meleko ha e u likanyetsa, (U etsa'ng?)
 Bulula Lebitso le halalelang leo ka thapelo.

“Hobane Morena o ka pela ka kamehla; nke ke ka
 sisinyeha!”

Lebitso le ratoang (Lebitso le ratoang), oho le
 monate!

Moena Neville.



KA PELA SEFAHLEHO SA HAE SST62-0909E
 (In His Presence)

Molaetsa wona, ka Moena William Marrion Branham, o rerilwe sethatong
 ka Senyesemane Sontaha mantsiboea, Loetse 9, 1962, mane Tabernakale
 ea Branham, Jeffersonville, Indiana, U.S.A., o ntshitswe kgatisong ya teipi
 ya makenete mme o ngotswe o sa kgaolwa ka Senyesemane. Petolelo ena ya
 Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
 58 DISA ROAD, ADMIRAL'S PARK, GORDON'S BAY 7140 WESTERN CAPE
 REPUBLIC OF SOUTH AFRICA

VOICE OF GOD RECORDINGS
 P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org